

# 《般若心經釋義》

宋·施護譯 祈竹仁寶哲科

壹·釋經名

《佛說聖佛母般若波羅蜜多心經》

貳·釋經文

(壹) 釋序分

(釋佛陀開示是經之背景)

一·釋共通背景

(一) 法證

如是我聞：

(二) 說法之時

一時，

(三) 說法者

世尊

(四) 說法處

在王舍城鷲峰山中，

(五) 聞法者

與大苾芻眾千二百五十人俱，并諸菩薩摩訶薩眾，而共圍繞。

二·釋不共背景

爾時，世尊即入甚深光明宣說正法三摩地。時觀自在菩薩摩訶薩，在佛會中。而此菩薩摩訶薩，已能修行甚深般若波羅蜜多，觀見五蘊自性皆空。

(貳) 釋正宗分

(釋經文之主體內容)

一·釋舍利子之問

爾時，尊者舍利子承佛威神，前白觀自在菩薩摩訶薩言：「若善男子、善女人，於此甚深般若波羅蜜多法門，樂欲修學者，當云何學？」

二·釋觀自在之答

時觀自在菩薩摩訶薩告尊者舍利子言：「汝今諦聽，為汝宣說。」

(一) 釋對下根者之開示

若善男子、善女人，樂欲修學此甚深般若波羅蜜多法門者，當觀五蘊自性皆空。何名五蘊自性空耶？所謂即色是空，即空是色；色無異於空，空無異於色。受想行識，亦復如是。舍利子！此一切法如是空相，無所生，無所滅；無垢染，無清淨；無增長，無損減。舍利子！是故空中無色，無受想行識。無眼耳鼻舌身意，無色聲香味觸法。無眼界，無眼識界，乃至無意界，無意識界。無無明，無無明盡，乃至無老死，亦無老死盡。無苦集滅道。無智，無所得，亦無無得。舍利子！由是無得故，菩薩摩訶薩依般若波羅蜜多相應行故，心無所著，亦無罣礙。以無著無礙故，無有恐怖，遠離一切顛倒妄想，究竟圓寂。所有三世諸佛，依此般若波羅蜜多故，得阿耨多羅三藐三菩提。

<p>(二) 釋對中根者之開示</p>	<p>是故應知般若波羅蜜多，是廣大明，是無上明，是無等等明，而能息除一切苦惱，是即真實無虛妄法。諸修學者，當如是學！</p>
<p>(三) 釋對上根者之開示</p>	<p>我今宣說般若波羅蜜多大明曰：  恒「寧*也」(切身)他(引一句)唵(引)誡帝(引)誡帝(引引二)播(引)囉誡帝(引三)播(引)囉僧誡帝(引四)「曰月」提莎(引)賀(引五)  舍利子！諸菩薩摩訶薩，若能誦是般若波羅蜜多明句，是即修學甚深般若波羅蜜多。」</p>
<p>三·釋佛陀之印許</p>	<p>爾時，世尊從三摩地安詳而起，讚觀自在菩薩摩訶薩言：  「善哉，善哉！善男子！如汝所說，如是如是！般若波羅蜜多，當如是學。是即真實最上究竟，一切如來，亦皆隨喜。」</p>
<p>(參) 釋流通分  (釋聽眾歡喜奉行部分)</p>	<p>佛說此經已，觀自在菩薩摩訶薩，并諸苾芻，乃至世間天、人、阿修羅、乾闥婆等，一切大眾，聞佛所說，皆大歡喜，信受奉行。</p>